

## Allannguutissatut siunnersuut

**Uunga siunnersuut: Sermip erngullu avammut nioqutissatut atorneqarnissaat pillugu Inatsisartut inatsisaata allanngortinnissaanut siunnersuut nr. 7 31. maj 2001-imeersoq**  
(sermip erngullu avammut nioqutiginissaannut inatsit)

Aappasaanik suliarineqarnissaanut Naalakkersuisunit saqqummiunneqarpoq

## Uunga § 1

**1. § 18** imatut oqaasertaqassaaq:

” **§ 18.** Pisinnaatitsissummik pigisaqartut allallu Inatsisartut inatsisaannut ilaasut Naalakkersuisunut tunniuttussaavaat paasissutissat uppersaatailluunniit suliffeqarfiup pisortanit suliarineqarnerani pisariaqartinneqartut. Pisortat suliarinninnerata naammassineqarnissaa anguniarlugu Naalakkersuisut piginnaatitsissummik pigisaqartut peqqusinnaavaat paasissutissat pisariaqartitaasut nassiuteqqullugit.

*Imm. 2.* Pisinnaatitsissummik pigisaqartut suliaasimasut taakkulu inerneru ukiut tamaasa nalunaarutigisassavaat, matumani ilanngullugit ingerlatap avatangiisinut sunniutai. Nalunaartarnissamut piumasaqaatit akuersissutini aalajangersarneqartassapput.

*Imm.3.* Naalakkersuisut pisinnaatitsissummik pigisaqartup sulisumi entreprenør, kiffartuusineri sulisuni kiisalu pilersuisuni assigisaallu akuersissuteqarnermut ilaatinneqartumut taamatullu inatsisartut inatsisaat tunngavigalugit sulianut ingerlataminnut avammullu tunioraanerminnut tunngatillugu paasissutissanik uppersaatinillu tunniussisarnissamut piumasaqaatinik aalajangersaasinnaapput.

*Imm. 4.* Naalakkersuisut pisinnaatitsissummik pigisaqartup sulisumi entreprenør, kiffartuusineri sulisuni kiisalu pilersuisuni assigisaallu pisinnaatitsissummumut ilaatinneqartumut taamatullu inatsisartut inatsisaat tunngavigalugit sulianut ingerlataminnut avammullu tunioraanerminnut tunngatillugu paasissutissanik uppersaatinillu tunniussisarnissamut pissaaffilerneqassanersorlu pillugu aalajangersaasinnaapput.”.

## Uunga § 2

2. § 2 imatut oqaasertaqassaaq

” *Imm. 1.* Inatsisartut inatsisaat atuutilissaaq ulloq 1. juli 2014.

” *Imm. 2.* Sermip erngullu avammut nioqqutissatut atorneqarnissaannut imaluunniit misissueqqaarnissamut akuersissutit Inatsisartut inatsisaata atuutilersinneratigut tunniunneqartut atuuttussaanertik ingerlatiinnassavaat. Kiisalu Inatsisartut inatsisaat akuersissutini taamaattuni, atuinissamut, akuersissutinитаamaattuni avammut nioqqutissatut atorneqarnissaannut pisinnaatitsissutit sermip erngullu avammut nioqqutiginiissaannut inatsimmut ilaasut akuersissuteqarfigineqarsimasut inatsisartut inatsisaata atuutilernerani ingerlaannassapput.”

Allannguutissatut siunnersuummut oqaaseqaatit

### **Oqaaseqaatit nalignnaasut**

Kalaallisuunngortillugu suliami oqaaseqatigiit imminnut akerliusunik isumallit atorneqarneri tunngavigalugit allannguutissatut siunnersuummik siunnersuusiortoqarpoq, siunnersuutip siullermeerneqarnerani tamanna uparuarneqarmat. Kalaallisuunngortillugu suliami ”Piginnaatitsissumik pigisaqartut” taaguusiunneqarluni.

### **Aalajangersakkanut ataasiakkaanut oqaaseqaatit**

*Ukununnga nr. 1-imut aamma 2-mut*

Kalaallisuunngortillugu suliami taaguusersuinermi ”Piginnaatitsissumik pigisaqartoq” atorneqalerpoq